

<County: Yorkshire North Riding>

<Code: L0350>

<MS reference: Northallerton, North Yorkshire County Record Office, ZFL 29>

<Text: Lease>

This endenture made ye xij . daye ofe Nouembre ye 3ere ofe kyng~ henry sexte ye . ix . be-twene John~ Salkoke one the ta *partie* ande Thomas lambton~ one ye todir~ *partie* bers+wytnesse . yat ye saide John Salkoke has grauntyde & be this *present* endenturs lettyne to ferme ye Manere ofe Salkoke w^t alle ye Appurtenaunce one-to ye sayde Thomas lambton~ . to haue & to halde to hime . [his heys & his assigne] fra ye daye ofe makyng~ ofe this endenturs one-to ye terme ofe . [ye] life ofe ye forsaide John@ Salkoke 3eldyng 3erely be 3ere . viij . Marke ofe lele mone ofe Ingland on-to ye forsayde John@ at ye Festes ofe wytsondaye & ofe Martynmes be onele porcions . ye firste *terme* . [ofe payement] *begynnyng*<?> At ye Feste of wytsondaye ye quylke salle falle in ye 3ere ofe oure lorde a thousande foure hundreth & twa and thirty . Ande ife it befalle ye forsayde rente to be behinde noght payede at any ofe ye Festes beforsayde . yat . thane it be lafulle on-to ye forsaide John@ in ye Manere beforsayde fore to distrene & ye distres driue away & w^thalde on-to tyme ye saide John@ be payede & Agreide ofe his ferme so beyng behinde . Als so it is acordyde be-twene ye forsayde John@ & Thomas y^t ye saide Thomas salle paye in+*partie* ofe paiement ofe ye witsonday ferme . xxvi s viij d thre Monethes before ye Feste ofe wytsonday beforesayde & yei remaynant at ye sayde feste of wytsonday . . [Ande in defaute ofe paiement ofe xxvi s viij d in ye fourme beforesaide be it lafull . on-to ye saide John@ to entre]<caret placed under the p of paiement on previous line> & in like fourme salle he paye his ferme ofe ye *terme* of Martynmes & so 3erly enduryng ye life ofe ye sayde John@ Ande ye sayde John@ salle haue fre entre & issu w^t his catell & corne in ye Manere beforesaide on-to Michellmes nexto folowyng efre ye dat~ ofe this endenturs In wytnessyng ofe ye quylke thinge to this *partie* ofe ye Endenture towerde ye forsaide Thomas remeynyng ye forsaide John@ Salkoke has set to his seale . writyne the daye & ye 3ere beforesaide .